



Botoa hautagai aurrerakoiei ematea eskatu du PSk porrotaren ostean

Marchais prest dago eskuinari oztopoak jartzeko, baina ez ordea ekologistak

Hauteskundeen bigarren itzulian ezkerreko hautagaien eta ekologisten alde bozkatzeari eskatu die PSk bere kide eta hautesleei, UPF eskuinaren batasunaren garaipena mugatu nahian. PCFk beste horrenbeste eskatu die bere aldekoiei baina ez ordea ekologistek, boto askatasuna utzi baitiete beren hautesleei.

DONOSTIA

Atzokoa gogoeta eguna izan zen Frantziako alderdi politikoen artean. Alderdi guztietako zuzendaritzak bildurik izan ziren herenegungo emaitzak aztertze-ko eta bigarren itzulira begira zer-nolako estrategia izango du-ten erabakitze asmoz.

Orain arte ikusitakoaren arabera, PSk deialdia egin die bere hautesle eta kideei bigarren itzulian hautatua izateko aukera handienak dituen «aurrerapenerako hautagaiari» botoa emateko, sozialista izan ala ez. Bere porrota handia izan dela jakin bezain laster Laurent Fabius PSko idazkari nagusiak egindako deialdi honek helburu bakarra dauka: RPR eta UDFren arteko batasunak ahalik eta oposizio handiena izatea Legebiltzarrean. Fabiusek aitortu egin zuen bere alderdiak «oso zigor latza» jaso duela eta «boto-arearen higadurari eta langabeziari» egotzi zien errua. Bigarren itzulirako «errepublikarren



Fabiusek porrota aitortu eta langabeziari egotzi dio errua.

REUTER

erreakzioa» eskatu zuen eta berdin egin zuen Royal Ingurugiro ministroak, «eskuinaren garaipena harroa eta handia izatea eragotzi behar dugulako».

Jean Pierre Chevenement sozialista disidenteak «langabeziari aurre egiten jakin ez duen politikari» leporatu zien porrota. «Sozialistok ez genuen hau merezi» esan ondoren, Michel Rocard lehendakariak «harrotasunik gabeko» deialdia egin zuen «eskuinaren garaipena arriskutsua delako». Porrota aprobe-

txatuz, Frantziako ezkerre berriz osatzeko negoziazioak eskatu zituen *big bang*-a proposatu zuenak.

Komunisten aldetik, Georges Marchais idazkari nagusiak ere «aurrerapenerako hautagaien» alde botoa ematea eskatu zuen bigarren itzuli honetan, «lan munduari eta gizarte aurrerape-nei gerra deklaratu dieten eskuin-darrei oztopoak jartzeko». PC-Fren emaitzak onak izan direla azpimarratu zuen Marchaisek.

Igandeko lehen itzuliko biga-

rren galtzaileak izan diren ekologistek ere —botoen % 7,7 eskuratu dituzte % 15 inguruko emaitzak espero ondoren— aitortu egin zuten beren porrota. Antoine Waechter Berdeen bu-ruak honela azaldu zuen beren porrota: «Ekologia kanpaina honen berritasuna izan da eta ber-ritasunak zorabiatu egiten du». PS eta PCFk egindako batasun deialdia ez zuen onartu Waech-terrek, bigarren itzulian ez dutela inoren alde bozkatzeko aholku-rik emango esan baitzuen.

PSren ahultasuna azpimarratu dute Pariseko egunkariak

PARISE

Pariseko egunkariak so- zialisten porrota uste baino handiagoa izan dela eta Mit- terranden egoeraren ahulta- suna azpimarratu zuten atzo. 'Le Figaro' egunkari eskuin- darrak «Mitterranden garaia: arbuio argia eta handia» zioen tituluan, «Historia liburuetan ez baitira arbuio hauen ta- mainakorik aurkitzen ahal».

Bost bototik bat besterik ez dela sozialistentzat izan go- goratu ondoren, 'Le Figarok' Fronte Nazionala sendotu egin dela eta ekologistek «sa- rraskia» jasan dutela zioen. Bigarren itzulian PSk inda- rrak berreskura litzakeela dio, ordea, UPFtik gertu dagoen egunkari honek.

Ezkerreko 'Liberation-ek' ere sozialisten «sekulako hondoraketa» nabarmendu zuen eta frantziarrek «alter- nantzia hautatu dute» zioen. Eskuinaren garaipena leun- tzeko aukera bakarra, «ezke- rreko hautesleen erreakzioa» da 'Liberation-en' ustez.

«Ezkerra itota» zioen 'Le Quotidien-en' titulu nagusiak eta «ekologisten beherakadak alderdi sozialistaren bigarren itzuliko erreakzioa oztopa- tzen» duela gaineratu. UPF batasunaren garaipen zabalak «Mitterrandek harrotasunik gabe kohabitatzera behartu beharko luke» zioen. 'L'Humanite' PCFren orga- noak eskuinaren programa- ren aurka ekin zuen, «lan munduaren, gazteen eta ira- bazi sozialen aurkako gerra deklarazioa» da bere ustetan.

UDF eta RPRko hautagaien arteko borrokak lehen eztabaida sor lezake

I. ARANBURU / DONOSTIA

Lehen itzulian oso gehiago zabalatu lortu arren, eskuineko ba- tasunaren arazoak aste honetan bertan has litezke RPR eta UD- Fren artean alderdi nagusi izate- ko dagoen lehia biziagatik. He- renegun, RPR irten zen garaile botoen % 20,3 lortu zituelako eta UDFk berriz, % 19,2, baina biga- rren itzulian Valery Giscard d'Estaingen zentristek bi alder- dien arteko «oreka» berreskuratu nahi dutela aldarrikatu dute. Ja- danik ziurtatutako eskainuei da- gokienez, RPR gaullistak alde- a lortu du UDF zentrista-liberala- rekiko, 42 eskuratu baititu eta UDFk 36.

Emaitzen berri jakin ostean, buruzagi eskuindarrek oso zuhur jokatu zuten, Jacques Chirac bere buruzagiaren hitzetan, «ez bai- tugu baikortasunean jausi behar». Alain Madelin UDFko lehendakariordeak ez dutela «garaipen zabala» lortu azpima- rratu zuen, berak bertan gogoratu zuenez, «Legebiltzarrerako au- rreko bi hauteskundetan izan- dako emaitza berberak jaso di- tugu eta». Charles Millon UDF- ko talde parlamentarioko burua ere horixe iritzi zion: «Frantzia- rrek batez ere sozialistei erakutsi diete arbuioa: orain, arbuio hori gure programaren aldeko jarrera bihurtu behar dugu».

Zuhurtasunean bat egiten zu-

ten arren, bigarren itzulian hau- tagai bakarra aurkeztu ez zuten 70 barrutietan izan beharreko jarreraren ez daude oso ados gau- llista eta zentrista-liberalak. RPRk, Alain Juppe idazkari na- gusiaren ahotik, lehen itzulian boto gehien lortu duen hauta- gaiari bidea libre utzi behar zaio- la aldarrikatu zuen, «akordioak azken punturaino bete ditza- gun».

Baina UDFko lehendakari den Giscard d'Estaingek bi alderdien arteko desberdintasunak orekatu nahi dituela esan du argi eta gar- bi. 70 barruti horietatik, 20tan bi alderdietako hautagaiak irabaz- teko aukera lukete besteak utziko ez balu ere.



Baikortasun handiegirik ez izateko aholkatu die Chiracek UPFkoiei.